

07

**BOSNA I HERCEGOVINA
FEDERACIJA BIH
ZENIČKO-DOBOJSKI KANTON
GRAD ZENICA
Trg BiH 6
72 000 Zenica**

**Broj: 02-45-3735/26
Zenica, 26.02.2026. godine**

Na osnovu člana 38. Zakona o udruženjima i fondacijama ("Službene novine Federacije BiH" broj: 45/02) i člana 11., 34. i 117. Statuta Grada Zenica ("Službene novine Grada Zenica" broj: 05/15) Grad Zenica, putem Službe za kulturu, sport i društvene djelatnosti, objavljuje:

**JAVNI POZIV
ZA DODJELU FINANSIJSKIH SREDSTAVA IZ BUDŽETA GRADA ZENICA ZA
PODRŠKU PROJEKTIMA PLANINARSKIH I LOVAČKIH DRUŠTAVA SA
PODRUČJA GRADA ZENICA**

I

Javni poziv

Raspisuje se Javni poziv za dostavljanje prijave za dodjelu sredstava za finansiranje programa i projekata planinarskih i lovačkih društava iz Budžeta Grada Zenica za 2026. godinu, sa pozicije "Finansiranje planinarskih i lovačkih udruženja". Grad Zenica poziva sva planinarska i lovačka društva koja su registrovana za djelovanje na području Grada Zenica da dostave svoje prijedloge projekata koji su od značaja za razvoj planinarske i lovačke infrastrukture, promocije planinarstva i lovstva, te podizanje kvaliteta turističke ponude na području Grada Zenica.

II

Pravo učešća

Pravo učešća imaju sva planinarska i lovačka udruženja koja ispunjavaju sljedeće uslove:

- a) da imaju sjedište na području Grada Zenica;
- b) da su registrovana u skladu sa važećim zakonskim propisima u Bosni i Hercegovini;
- c) da u svojim ciljevima imaju utvrđenu djelatnost planinarstva, lova, turizma i ekologije;
- d) da su izmirila svoje obaveze po osnovu poreza i obaveznih doprinosa, te obaveze prema Gradu Zenica;
- e) da se projekat implementira na području Grada Zenica;
- f) dokaz da su korisnici ili vlasnici infrastrukture za koju apliciraju.

Aplikant može aplicirati na ukupan iznos cijene projekta ili dio nedostajućih sredstava, što je dužan navesti u aplikaciji.

Aplikant može konkurisati sa najviše dva projekta, i to jedan za Lot 1 i jedan za Lot 2.

Neadekvatni projektni prijedlozi neće biti uzeti u razmatranje prilikom bodovanja i ocjenjivanja projektnih prijedloga, te isti neće biti finansirani.

III

Novčana sredstva

Ukupan iznos sredstava predviđen Javnim pozivom je 80.000,00 KM.

Iznos sredstava koji budu odobreni iznosit će od 1.000,00 KM do 10.000,00 KM.

Odobrena sredstva će se koristiti isključivo za pokrivanje opravdanih troškova. Opravdanim troškovima se smatraju samo direktni i indirektni troškovi koji su neposredno povezani sa provedbom projekta, odnosno ostvarivanjem jednog ili više ciljeva projekta nastalih tokom realizacije projekta.

Neopravdani troškovi su:

- a) Podugovaranje usluga za koje izvršitelj nije nadležan;
- b) Plate zaposlenika koji nisu prijavljeni da će raditi na projektu;
- c) Svi troškovi za koje ne postoji pokriće u ugovorima i računima.

Grad zadržava pravo da ne dodijeli sva raspoloživa finansijska sredstva.

Duljina trajanja projekta može biti do 31.12.2026. godine.

IV

Dodijeljena finansijska sredstva će biti dodijeljena po Lotovima:

Lot 1: Obnova infrastrukture

- Uređenje i markiranje planinarskih staza;
- Izgradnja i obnova planinarske i lovačke infrastrukture na području Grada Zenica (uređenje planinarskih kuća, planinarskih domova, lovišta, lovačkih kuća i etno kompleksa, lovnih osmatračnica sa čekom, hranilišta, odmarališta i vidikovaca);
- Postavljanje info tabli i signalizacije.

Lot 2: Projekti iz oblasti lovstva i planinarstva

- Organizacija manifestacija i takmičenja iz oblasti planinarstva i lova;
- Zaštita biodiverziteta;
- Zaštita ugroženih životinjskih vrsta (divljači);
- Očuvanje tradicije planinarstva i lova;
- Promocija održivog lovstva, razvoj lovnog turizma, razvoj ruralnog područja.

V

Kriteriji i vrednovanje projekata

1. Pripremljenost projekta u skladu sa zahtjevanim sadržajem Javnog poziva;
2. Realnost budžeta i vlastito učešće;
3. Referentna lista već implementiranih sličnih projekata;
4. Kvalitet javne prezentacije i promocije projekta.

Vrednovanje i rangiranje projekata pristiglih na Javni poziv vršit će posebna komisija. Komisija razmatra zahtjeve i dokumentaciju zaprimljenu na osnovu Javnog poziva, ocjenjuje ispunjenost uslova i kriterija, te prijedlog dostavlja Gradonačelniku.

Prije donošenja odluke o odabiru Komisija zadržava pravo da od podnosilaca projektnih prijedloga traži dodatna pojašnjenja i dokumentaciju, kao i pravo odbijanja pristiglih prijedloga projekata bez posebnog obrazloženja.

Nakon završetka projekta odabrani aplikanti su dužni dostaviti Izvještaj o namjenskom korištenju dobijenih sredstava.

VI

Obavezna i dodatna dokumentacija

Dodatna dokumentacija treba sadržavati:

- a) Prijavni obrazac;
- b) Projektni prijedlog sa jasno definisanim ciljevima i rokovima projektnih aktivnosti;
- c) Dokaz o vlasništvu ili pravu upravljanja za objekat;
- d) Izvod iz Registra udruženja – original;
- e) Rješenja o registraciji organizacije (za nositelja projekta i eventualne partnere na projektu) ovjerena kod nadležnog organa;
- f) Statut organizacije (podnositelj projekta i partneri) ovjereni od strane Udruženja podnositelja projektnog prijedloga;
- g) Kopija završnog godišnjeg finansijskog izvještaja za prethodnu godinu (dokument Bilans stanja i Bilans uspjeha) koji je ovjeren od strane nadležne agencije za finansijsko poslovanje i licenciranog i ovlaštenog knjigovođe;
- h) Dokaze o izmirenim obavezama po osnovu poreza i obaveznih doprinosa, te obaveza prema Gradu Zenica (ako su udruženja obaveznici istih – KN i zakup prostorija);
- i) Uvjerenje o poreznoj registraciji (ID broj);
- j) Potvrda o transakcijskom računu.

Svi dokumenti koji se predaju moraju biti original ili ovjerene kopije, ne starije od 3 mjeseca.

Obavezna projektna dokumentacija treba da sadrži:

- a) Administrativni podaci o podnositelju projektnog prijedloga (Prilog 1),**
- b) Projektni prijedlog (Prilog 2),**
- c) Prijedlog budžeta (Prilog 2a),**
- d) Plan aktivnosti (Prilog 2b),**
- e) Izjava (Prilog 3),**
- f) Lista za provjeru (Prilog 4).**

Navedeni prilozi mogu se preuzeti na zvaničnoj web stranici Grada Zenica: www.zenica.ba. Sve potrebne informacije i elektronska verzija cijelog paketa prijavne dokumentacije može se preuzeti sa službene web stranice Grada.

Pitanja u vezi sa Javnim pozivom mogu se postaviti pismeno u Službi ili elektronski putem e-maila: amra.haracic@zenica.ba.

VII

Predaja dokumentacije

Popunjen prijavni obrazac sa kompletnom dokumentacijom se dostavlja u jednom primjerku u štampanoj formi i jednoj elektronskoj kopiji (CD ili USB) u zatvorenoj koverti preporučenom poštom ili lično tokom radnih dana (ponedjeljak-petak) u periodu od **08:00 do 16:00** sati sa naznakom **"Za Javni poziv za dodjelu finansijskih sredstava iz Budžeta Grada Zenica za podršku projektima planinarskih i lovačkih društava sa područja Grada Zenica za predaju prijedloga projekata u sklopu raspodjele budžetskih sredstava za 2026. godinu"** na adresu: **Grad Zenica, Služba za kulturu, sport i društvene djelatnosti, Trg BiH 6, 72 000 Zenica.**

Rok za predaju aplikacija je 15 dana od dana objavljivanja Javnog poziva na web stranici Grada Zenica. Aplikacije dostavljene nakon navedenog roka bit će razmatrane jedino u slučaju da poštanski žig ukazuje na datum slanja prije zvaničnog isteka roka.

Prednja strana koverta mora sadržavati naziv poziva za predaju prijedloga projekata, puno ime i adresu podnosioca projekta, puni naziv projekta i navod: **"Ne otvarati prije zvaničnog otvaranja"**.

O primljenoj pošiljci će se voditi uredna evidencija.

Svi aplikanti koji su predali prijedloge projekata, koji su prihvaćeni ili odbijeni, bit će obaviješteni o odluci u vezi sa njihovim prijedlogom projekta, u roku od 30 dana od dana zatvaranja Javnog poziva putem liste objavljene na web stranici Grada Zenica: www.zenica.ba.

